



Ilaqutariinnermut Inatsisinillu atortitsinnermut Naalakkersuisoq
Aleqa Hammond

UKA 2006/34 – Pisortanit ikiorsiissutit pillugit Inatsisartut peqqussutis- saattut siunnersuummut atatillugu apequtinik qulaajaaniutaasunik assi- giinngitsunik saqqummiussineq

2. oktober 2006
Sags.nr. 01.38.02.05-
00012

UKA 2006/34 ulloq 20. september 2006 siullermeerereernerup kingorna Ilaqutariinnermut Ataatsimiititaliami suliarisassanngorlugu innersuunneqarpoq.

Inatsisartut Allattoqar-
fiat / Landstingets
Bureau
Postboks 1060
3900 Nuuk
Oq/tel +299 34 50 00
Fax +299 32 46 06
Landstinget@gh.gl
www.nanoq.gl

Ilaqutariinnermut Ataatsimiititaliap siunnersuummik suliarinneqqinnissaanut atugassamik pissutsit tulluuttut nassuiaateqarfigineqarnissaat kissaatigineqarpoq:

- 1) Inuit inuussutissarsiutigalugu piniartutut allagartallit atortunik annaasaqarnermik, piniutiminik aserortoornermik imaluunniit silamik (silap sikullu aalisarnissaq piniarnissarluk ajornarsisikkaangagu) patsiseqartumik ikiorsiissutinik tunineqarsinnaanerak uppersarneqassasoq kissaatigineqarpoq, taamaattoqarsimappallu pisortanit ikiorsiissutit pillugit siunnersuut malillugu qanoq ikiorserneqassappat?
- 2) Pisortanit ikiorsiissutit pillugit inatsisissatut siunnersuut malillugu aalisartut piniartullu ikiorserneqarnissamut annikinnerusumik annertunerusumilluunniit periarfissaqarpata, taava pineqartut taakku tamanna peqqutigalugu inuussutissarsiutigalugu piniarnermut allagartartik annaasinnaagaat mattunneqarsinnaava?
- 3) Apeqqutit siullianni pissutsit immikkut ittut atuussimatillugit inuit ilaqutariilluunniit aalisarnermik piniarnermillu inuussutissarsiuteqartut pisortanit ikiorserneqarsinnaanerak naalakkersuinikkut kissaatigineqarsimappat, taava maleruagassat sorliit maleruagassanut taakkununga aalajangersaassutitut pissusissamisoornerpaassanerak pillugu siunnersuusiortoqarnissaa kissaatigineqarpoq.
- 4) Sooruna siunnersuutip § 5-ianut immikkut nassuiaatinik peqanngitsoq?
- 5) Iliuusissatut pilersaarutit suliarineqartarnerannut atatillugu aningaasaqarnikkut kinguneqaatissat Ilaqutariinnermut Pisortaqaarfiup KANUKOKA-llu akornanni isumaqatigiissutaannginnerak Ilaqutariinnermut Ataatsimiititaliamit maluginiarneqarpoq.

a) Iliuusissatut pilersaarussianik suliaqarnissaq katillugu kommuninut kr.-inik 3 mio.-inik aningaasartuuteqarfiunerusussaasumik oqaaseqarneq KANUKOKA-p uppersarsinnaappagu (tamatumani tunngavissaatitaassaaq 2007-mi aningaasanut inatsisissatut siunnersuummi pisoq una sillimaaffigineqarsimassanngitsaq) 2007-mi aningaasanut inatsimmi pivisusunnngortitsinissamut sillimmatinik illikartitsinissap sulissutiginnissaa Naalakkersuisut eqqarsaatersuutiginnikuuaat?

b) Inatsisit atuuttut malillugit kommunalbestyrelsit siunnersuineramik ilitsersuinermillu pisussaaffeqareermata, soorluttaaq qaammatit pingasut tamaasa pisortat ikorsiinerat kommunalbestyrelsit malitseqartarsaagaat Ilaqutariinnermut Pisortaqaarfiup ilaatigut taakkartorpa. Tamatumani saniatigut sulingiffeqarnermi ikorsiissutinik tunineqarsimasut ilaat arlallit pillugit iliuusissatut pilersaarutit suliarineqareertarsimasinaanerat taakkartorneqarpoq.

Kommunit siunnersuinissamik ikorsiinissamillu pisussaaffimminnik naammassinnissimanersut tamannalu qanoq annertutiginnersooq pillugu Ilaqutariinnermut Pisortaqaarfik sunik ilisimasarqa?

Pisussaaffimmik tassannga kommunit naammassinnissimanerat Ilaqutariinnermut Pisortaqaarfimmit manna tikillugu qanoq qulakkearniarneqarsimava?

Sulingiffeqarnermi ikorsiissutinut atatillugu iliuusissatut pilersaarutit atorneqartarnerat pillugu Ilaqutariinnermut Pisortaqaarfik ilisimasamik eqqoqqissaartunik sunik peqarpa?

- 6) Apeqquaqaatit sisamaanni ersersinneqartut saniatigut kommuninut allafissornikkut suliaqarnerulernermik kinguneqarsinnaasunik pissutsinik allanik peqarpa?
- 7) Siunnersuummi nutaami sulisut pikkorissartinneqarnissaannut immikkut aningaasanik immikkoortitsisoqarsimava?
- 8) Sulisut pineqartut tamakkerlutik pikkorissartinneqartarnissaannut aningaasat illikartinneqarsimasut periarfissiippat?
- 9) Kommunit maleruagassamik aqutsinerat pillugu naalakkersuisoqarfik qanoq nakkutilliinermik ingerlatsiniarpa?
- 10) Iliuusissatut pilersaarutit pisariaqartut ilimagisamit allaanerusumit kommuninut suliarineqarsimangippata naalakkersuisoqarfik qanoq iliuseqartarniarpa?

- 11) Pilersuinissamut aalajangersimasumillu aningaasartuutitut ikiorsiisarnermut assersuutit tigusaa sunik nalinginnaalluinnartunillu suliaqartoqarnissaa Ilaqutariinnermut Ataatsimiititaliamit kissaatiginartinneqarpoq, taamaaliornikkut ikiorsiissutit suut, siunnersuut malillugu suliaqartoqarnissamut maleruagassat atuuttut malillugit tunniunneqassanersut annertunerusumik oqaatigineqassammata.
- 12) §§-ini 20-mit 23-imut immikkut pisoqartillugu ikiorsiinerit eqqartorneqarput. Kommunini sumiiffinnilu annertunerumik annikinnerusumilluunniit pigissaarnerusuni najugaqarneq apeqqaatinnagu innuttaasut maleruagassanut assigiiaamik naatsorsuutiginnissinnaaqullugit kommunit/sumiiffiit aalajangersakkanik pineqartunik assigiiaamik ingerlatsisarnissaannut qulakkeerinissaq iluaqutaassasoq Naalakkersuisunit isumaqarfigineqarnermluni?
- 13) Nuunnermi ikiorsiisinnaaneq nuttarnersitsiniarlunilu ikiorsiissutit pillugit siunnersuummi aalajangersaanerit, 2007-imi aningaasanut inatsissatut siunnersuummi ilanngunneqarsimasut, atorneqarnerat qanoq misissuiffigineqartartassava?
- 14) Pisortat ikiorsiissutaannik pissarsiaqartarnerup akileraartarnikkut suliarineqartarnissaa ersarissarneqarpoq.
- 15) § 23 malilugu illerfinnik angallassinermut aningaasartuutit matussusernissaannut periarfissaqarnerisooq nassuiaateqarnissaq kissaatigineqarpoq.
- 16) Siunnersuutip § 27, imm. 1, nr. 1-iata aamma aalajangersakkamut ilanngussat oqaaseqatigiinnerisa akornanni naapertuuttoqanngilaq.
 § 27, imm. 1, nr. 1-imi oqaaseqatigiit naapertussagaanni, taava piffissami pisortanit ikiorsiissutit pisartagaqarnermi iliuutsit/aajangiinerit pineqarput, ilanngussanili pisortanit ikiorsiissutit pisartagaqannginnermi iliuutsit/aajangiinerit nassuiarneqarlutik.
 Piffissaq sorleq siunnersuummi tunaartarinerpa? Pisortanit ikiorsiissutit pisartagaqarneq sioqqullugu piffissarlunniit pisartagaqarfiusooq imaluunniit piffissat taakku marluutillugit pineqarpat?
- 17) Siunnersuut ulloq 1. januar 2007-imi atuutilissasoq naatsorsuutigineqarpoq.
- 18) Ulloq 1. januar 2007 atuuttunngortitsinissaq sioqqullugu naalakkersuisoqarfiit qulakkeersinnaanerlugu:
- siunnersuutip § 8. imm. 2-anut, § 11. imm. 6-anut, § 13. imm. 7-anut, § 18. imm. 3-anut aamma § 28. imm. 3-anut naapertuuttumik nalunaarutit pisariaqartunik saqqummiussisoqarsinnaasoq?

- ilitsersuutitik kalaallisuunik qallunaatuunillu suliaqar-
toqarsinnaasoq?
- pisortat ikiorsiissutaat pillugit maleruagassanik aqut-
sisuusussat sulisut pikkorisartinneqassasut?

19) Siunnersuut imaluunniit taassuma ilaa ulloq 1. januar 2007-imit kingusinne-
rusumi atuuttunngortinneqassaguni kommunit aaqqissuussinissaat nunallu
innuttai eqqarsaatigalugit pitsaaquteqarsinaassasoq isumaqarpit?

Siunnersuummik suliarinneqqinnissaq aappassaanerinninnissallu ulloq 11. oktober
2006-imut aalajangerneqarsimanera eqqarsaatigalugit akissuteqaatip kingusinner-
paamik ulloq 6. oktober nal. 12.00 tiguneqareersimanissaa kissaatigineqarpoq.
Tamatuma saniatigut atorussat (kalaallisuut qallunaatuullu) qarasaasiakkut nassi-
uteqquneqarput uunga jhh@gh.gl .

Inussiarnersumik inuulluaqqusillunga

Agathe Fontain
Siulittaasoq